

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«-----» նոյեմբերի 2013թ.

N__-Ա

ՈՐՈՇՈՒՄ

ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2012 թվականի դեկտեմբերի 25-ի հ.580-Ն որոշմամբ հաստատված հավելվածի 3-րդ կետով՝

Երևան քաղաքի ավագանին որոշում է.

1. Թույլատրել Երևանի քաղաքապետին Երևան համայնքի սեփականություն համարվող Դավթաշեն 4-րդ թաղամասի 31 շենքի 12/1՝ 10.8քմ մակերեսով բնակարանը (1 սենյակ) (անշարժ գույքի նկատմամբ իրավունքների պետական գրանցման 03.09.2013թ. հ.03092013-01-0035 վկայական) սեփականության իրավունքով անհատույց օտարել (նվիրել) Գյուլնարա Խաչատրյանին, Արթուր Եղիազարյանին, Գայանե Եղիազարյանին, Էրիկ Եղիազարյանին, Էդիկ Եղիազարյանին և Իրինա Մելիքսեթյանին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՐԱՆԻ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ՎԵՐԱԲԵՐՅԱԼ

Գյուլնարա Խաչատրյանը դիմել է Դավթաշեն վարչական շրջան, Դավթաշեն վարչական շրջանի 4-րդ թաղամասի 31 շենքի հ.12/1 բնակարանը, որը հանդիսանում է Դավթաշեն 4-րդ թաղամասի 31 շենքի հ.12 երեք սենյակից բաղկացած բնակարանի 1 սենյակը, իր ընտանիքի անդամների անվամբ մասնավորեցնելու խնդրանքով:

Երևան քաղաքի ժողովրդական պատգամավորների Մաշտոցի շրջանային խորհրդի գործադիր կոմիտեի 12.10.1995թ. հ. 22/165 որոշման համաձայն՝ Դավթաշեն 4-րդ թաղամաս 31 շենքի հ.12 բնակարանը բաժանվել է 2 մասի՝ 2 սենյակը (հ.12 բնակարան) հատկացվել է Գյուլնարա Խաչատրյանին՝ 2 երեխաների հետ, իսկ 1 սենյակը (հ.12/1 բնակարան)՝ Էդիկ Եղիազարյանին (Գյուլնարա Խաչատրյանի ամուսնուն)՝ բնակարանի կոմունալ և օժանդակ հարմարությունները թողնելով ընդհանուր համատեղ օգտագործման:

Երևանի քաղաքապետի 26.05.1997թ. հ.440 որոշմամբ հ.12 բնակարանի երկու սենյակը սեփականաշնորհվել է Գյուլնարա Խաչատրյանի, Գայանե և Արթուր Եղիազարյանների անվամբ, իսկ հ.12/1 սենյակը չի սեփականաշնորհվել:

Քննարկվող հ.12/1 սենյակի վարձակալ Էդիկ Եղիազարյանը, 25.12.2003թ մահացել է (հիմք՝ 25.12.2003թ. հ.229305 մահվան վկայական) և վերջինիս մահվանից հետո տվյալ սենյակը մինչև օրս առանց իրավահաստատող փաստաթղթերի, զբաղեցվում է Գյուլնարա Խաչատրյանի ընտանիքի կողմից:

<<Երևան քաղաքում տեղական ինքնակառավարման>> Հայաստանի Հանրապետության օրենքի 110-րդ հոդվածի համաձայն՝ Դավթաշեն 4-րդ թաղամաս 31 շենքի հ.12/1 սենյակը ներկայումս համարվում է Երևան համայնքի սեփականությունը (հիմք՝ անշարժ գույքի նկատմամբ իրավունքների պետական գրանցման վկայական հ.03092013-01-0035):

Երևան քաղաքի ավագանու 2012 թվականի դեկտեմբերի 25-ի հ.580-Ն որոշման հավելվածի /Ծրագրի/ 3-րդ կետի համաձայն՝ Երևան քաղաքի սեփականություն համարվող գույքը կարող է անհատույց օտարվել միայն Երևան քաղաքի ավագանու որոշմամբ, բացառությամբ Ծրագրի 4-րդ կետի:

Ծրագրի 4-րդ կետով նախատեսված իրավական և /կամ/ փաստական հանգամանքների առկայության դեպքում Երևան քաղաքի սեփականություն համարվող բնակարանները, բնակելի տները և բնակելի տարածքները կարող են սեփականության իրավունքով անհատույց փոխանցվել քաղաքացիներին Երևանի քաղաքապետի որոշմամբ:

Հաշվի առնելով այն հանգամանքը, որ տվյալ դեպքում բացակայում են Երևան քաղաքի ավագանու 2012 թվականի դեկտեմբերի 25-ի հ.580-Ն որոշման հավելվածի /Ծրագրի/ 4-րդ կետի 1-ից 7-րդ ենթակետերով նախատեսված իրավական և/կամ փաստական հանգամանքները, ուստի ք. Երևան, Դավթաշեն վարչական շրջանի 4-րդ թաղամասի 31 շենքի 12/1 հասցեում գտնվող գույքի անհատույց օտարման համար անհրաժեշտություն է առաջացել ընդունելու համապատասխան որոշում:

ՏԵՂԵԿԱՆՔ

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ՈՐՈՇՈՒՄՆԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող բնակարանն
անհատույց օտարելու մասին» որոշման նախագծի ընդունման առնչությամբ այլ իրավական
ակտերում փոփոխություն կատարելու անհրաժեշտություն չկա:

ՏԵՂԵԿԱՆՔ

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ
ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող բնակարանն
անհատույց օտարելու մասին» որոշման նախագծի ընդունման կապակցությամբ Երևանի
բյուջեում չի նախատեսվում եկամուտների և ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

